

SUPREME COURT OF THE REPUBLIC OF VANUATU

PMB 9041, Port Vila,
Republic of Vanuatu
Tel: (678) 26715
Fax: (678) 22692



Sac Postal Privé 9041, Port Vila
République de Vanuatu
Tel: (678) 26715
Fax: (678) 22692

Deskripsen blong wok blong Projek Ofisa: 'Yumi wantem jastis; Yumi tokbaot jastis; Yumi lukim jastis'.

Aplikesen i klos long: 24 Februari 2025
Wok i stat long: Maj 2025

Bakgraon

Kot blong Vanuatu i gat wan niu projek " **Yumi wantem jastis; Yumi tokbaot jastis; Yumi lukim jastis**" we bambae hemi wok tugeta wetem gavman mo olgeta narafala akta insaed long sivil jastis blong mekem akses long jastis hemi save kam isi moa long olgeta pipol we oli stap long olgeta rimot ples, espeseli nao olgeta woman mo pikinini.

I bin gat wan Stering Komitim we oli bin setemap finis we Jeaman blong hemi hemi Jif Rejistra blong Suprim Kot, mo hemi inkludum olgeta Kot, Ministri blong Jastis mo Komuniti Sevis, Polis, Pablik Solisita, Ministri blong Intenol Afea (Lokol Administreta), Malvatumauri, Vanuatu Women's Centre, Sista mo Vanuatu Kaonsel blong olgeta Jej we bambae oli givhan long olgeta stratejik daareksen mo mekem sua se projek ia hemi save gohed gud.

Projek ia bambae i stap blong tri yia mo bambae oli save ekstendem blong:

- Inkrisim akses long jastis hemia long olgeta **rimot mo rurol komuniti** long Vanuatu, wetem mein fokus nao long olgeta **woman mo olgeta gel**.
- Blong impruvum **kodinesen bitwin olgeta mein jastis, sekuriti mo sivil sosaeti** akta wetem fokus long sevis blong olgeta i go long olgeta rimot mo rurol komuniti, espeseli nao olgeta woman mo olgeta gel.
- Blong mekem sua se evri aktiviti oli folem **strong patnasip wetem olgeta lokol komuniti mo olgeta akta blong sivil sosaeti**
- Blong mekem sua se evri aktiviti oli folem wan **strong jenda analisi** mo oli developem blong hemi adresem jenda.

Olgeta projek aktiviti bambae oli oganaesem folem fo mein pila hemia blong inkrisim akses long komuniti:

- Aelan Kot mo Majjstret Kot
- Temporari Proteksen Oda blong priventem vaelens long familie
- Ligol aweanes, infomesen, asistens mo fasin blong givm fridom o raet long narafala man
- Olgeta aproj we bambae oli karemaat tugeta bitwin olgeta kot mo polis.

Deskripsen blong posisen

Suprim Kot i stap lukaotem wan eksperiens man blong karemaat wok ia long ful-taem olsem projek ofisa blong sapotem kodinesen mo implimentem Projek ia tugeta we olgeta patna blong hem.

Posisen ia bambae i stap olsem wan fiks-tem kontrak blong 12 manis (wetem wan tri manis probesen) we bambae i stat long midel blong Januwari 2025. Wok ia bambae i stap long Suprim Kot long Port Vila mo long fiuja we i stap kam bambae Daarekta blong Judisol Edukesen Senta nao i manejem, be naoia we i

stap, bambae ofisa i ripot i kam long Nasonal Judisol Developmen mo Trening Kodineta (Suprim Kot Judiseri) mo bambae hemi givim sapot long Projek Stering Komiti.

Olgeta mein duti blong rol ia oli go olsem:

- Blong hemi provaedem sapot long olgeta projek patna blong oli save planem olgeta aktiviti blong olgeta mo aedentifaem olgeta janis we oli gat blong save wok tugeta blong karemaot olgeta aktiviti blong olgeta.
- Blong kombaenem olgeta aktiviti we oli planem i kam tugeta olsem wan ditel wokplan folem rekomendesen blong Stering Komiti mo karem apruvol blong Jif Jastis.
- Blong wok wetem olgeta projek patna blong developem wan sastenabiliti plan we bambae oli save yusum blong trakem olgeta objektiv blong projek blong mekem sua se olgeta projek aktiviti oli save stap nomata we fes pat blong projek hemi finis.
- Blong wok wetem olgeta projek patna blong aedentifaem badjet mo olgeta prokrumen nid blong olgeta aktiviti we oli bin planem mo developem wan bajekt mo prokrumen plan folem wokplan.
- To coordinate with project partners to develop a monitoring and evaluation plan for the project for presentation to the Steering Committee.¹
- Blong monitarem implimentesen mo kwaliti blong evri aktiviti blong projek mo karem stret data long olgeta projek patna blong save mekem regula ripot akensem olgeta indiketa mo mekem sua se olgeta aktiviti oli stap gohed gud folem taemfrem blong olgeta.
- Blong wok wetem projek Faenans Maneja blong meintenem ekspens blong projek mo submitim regula faenansol ripot i go long Jif Jastis mo Stering Komiti.
- Blong sapotem olgeta projek patna blong oli save submitim olgeta ripot blong olgeta long stret taem folem olgeta projek aktiviti mo inkludum olgeta tugeta olsem olgeta regula projek ripot we bambae i go long Jif Jastis, Stering Komiti, olgeta developmen patna mo olgeta narafala stekholda.
- Karem olgeta niufala developmen patna i kam insaed long projek wetem sapot blong olgeta memba blong Stering Komiti blong save karem risos we projek i nidim.
- Blong provaedem sekretari sapot i go long Stering Komiti we i inkludum fasin blong arenjem olgeta miting invitesen mo minit blong olgeta miting.
- Blong sapotem kodinesen blong Kot Woking Grup blong save muvum olgeta aktiviti blong Kot hemi wan risponsabiliti blong projek.

Kwalifikesen mo eksperiens

- Bajela digri o diploma long loa o eni narafala semak fil long jastis.
- Gat wan minimam blong 5 yia eksperiens
- Gat eksperiens blong save maanejem wan kompleks multi-yia projek we i tekem tugeta fulap patna mo dona.
- Gat eksperiens blong wok long Vanuatu jastis sekta.
- Gat eksperiens blong developem olgeta program dokumen mo wokplan mo wok wetem olgeta dona laeson, manejem mo monitarem olgeta bajet, developem mo monitarem olgeta evaluesen aktiviti mo provaedem olgeta hae kwaliti ripot long stret taem.
- Mas save komuniket gud hemia tru long toktok mo raet long Bislama mo English.

Aplikesen proses

Blong aplae, plis submitim bifo **5pm long Mandei namba 24 Februari 2025** wan kava leta we i adresem olgeta seleksen kraeteria we i stap antap ia, tugeta wan CV mo tu eksampol blong olgeta ripot o wok we yu bin mekem.

Olgeta we oli shoflistim olgeta bambae oli askem olgeta blong kam long wan intaviu stat long wik blong 26 Februari 2025 mo apliken we oli jusum hem bambae i statem wok long Maj 2025.

Salari

Gs L 4.1: 2,893,000 – Gs L 4.9: 3,341,000 milien Vatu long wan yia i dipen long kwalifikesen mo eksperiens. (NZD\$41,890 - NZD\$48,377)
